


Noah iwan weyi akalli tlen okichih

Noé y el arca que hizo



Ma kipowakan akinmeh yekin pewah momachtiah

Nawatl de la Sierra de Zongolica

Noah iwan weyi akalli tlen okichih

Noé y el arca que hizo

Inin tlamantli ihkuilitok itech TeoTlahtolli
Ken Nochi Otlapew 6-8

Nawatl de la Sierra de Zongolica
Veracruz, México

Copyright © 2016, Marlene Custer



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

ToMasewalTlahtol

2017

tomasewaltlahtol@gmail.com

Adapted from original without a copyright notice.

Art of Reading illustrations are cc by-nd.






Ihkuak Adam iwan Ewa
otlahtlakolchihkeh, omonek ma
kisikan itech kuawxochitlalpan.
Okinpixkeh miekeh inkonewan, iwan
yehwan omoskaltihkeh iwan
okinpixkeh inkonewan. Noso ihkuak
okachi miekeh okatkah, okachi miek
okichihkeh tlen amo kualli.




ToTahtzin okittak ken omochihkeh
kuehsihkeh iwan okinkohkowaya
intlakaikniwan. Omoyolkokoh ikan
okinchih. Okinek kinixpolos nochi
tlakameh iwan yolkameh tlen
okinchihka.

San se tlakatl okichiwaya tlen
kualli. Itoka Noah. Yeh okipaktiaya
toTahtzin.


ToTahtzin okillih Noah ma kichiwa se weyi akalli. Okillih ken omonekiaya kichiwas. Noihki okillih kixpolos nochi tlen nemi ipan tlaltikpaktli. Noso kimakixtis Noah, isiwa, ichokkowan iwan insiwawan.








Ihkuak yi otlanki okichih n akalli,
opeh Noah iwan ichanehkawan
okiwalikaya tlakualli iwan
okitlaatiaya ihtik akalli.
Okiwalikakeh tlakualli tlen yehwan
kikuaskeh iwan noihki tlen kikuaskeh
yolkameh.


Nochi tlen toTahtzin okillih ma
kichiwa, san inon okichih Noah.




ToTahtzin okillih Noah ma kinwalika nochi tlamantli yolkameh iwan totomeh, ma kinkalaki ohome, se okechtli iwan se siwatl. Nochtin okalakeh ihtik n weyi akalli.




Neh nimotlahtlania ;ken
omokakiskia ihkuak nochtin
otzahtziayah san sekkan?





Welitis Noah iwan ichokkowan
okipiaya miek tekiti, tla
okintlamakayah nochtin yolkameh
iwan okinmochtokiaya kan okatkah.





Chikawak okiawaya miek tonalli.
Otlehkok atl, okinpachoh kalmeh
iwan kuawmeh. Ompowalli (40)
tonalli iwan ompowalli yowalli
onkiaw. Atl okinpachoh tepemeh.
Noson Noah iwan ichanehkawan
otlaatihtoyah ihtik n weyi akalli.







Nochi tlamantli, tlakameh iwan
yolkameh, tlen oyoltoyah ikpak
tlaltikpaktli, oixpoliwikeh. Ihkuakon
toTahtzin okititlanki se ehekatl ixko
tlaltikpaktli. Opeh owahwakki n atl.
Weyi akalli omotzikoh ikuapak se
tepetl.

Noah okitlapoh kan okalakiaya
tlawilli, iwan okititlanki se kaakalotl.
Yen kaakalotl opatlantinemiaya
nowian.






Satepan okititlanki se kookolotzin.
Yeh noihki opatlantinemiaya ik
nowian, noso owalmokuepki. Oksemi
okititlanki, iwan ihkuak omokuepki,
okiwalikaya se oliwohxiwitl itech
itempil. Opanok ok chikome tonalli,
Noah oksemi okititlanki, iwan
ihkuakon, ayekmo owalmokuepki.



Ihkon yi omochixkah miek tonalli, ihkuak oahsik tonalli okiskeh itech akalli Noah, isiwa, ichokkowan iwan insiwawan. Noihki okiskeh nochtin yolkameh iwan totomeh.

Neh niktlalia oihyotilanayah chikawak ika welik okimachiliayah n ehekatl, iwan itech inyollo omotlasohkamatkeh inawak toTahtzin.



Noah okichih se tlixpantzin kan okiweyikatilih Yahweh. Okipaktih toTahtzin, ik inon yehwatzin okinteochih Noah iwan ichokkowan.

Ihkuakon toTahtzin okitlalih se kualtzin kosemalotl ma motta itech ilwikak. Okinyekihtolih ayekmo kemanian kixpolos tlaltikpaktli iwan nochi tlen yoltokeh ika se atemilistli.

